

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10), člana 140. stav 3. i člana 141. stav 4., Zakona o srednjoj školi ("Službene novine Zeničko-dobojskog kantona", broj: 9/17) i prethodnog mišljenja Ministarstva za obrazovanje, nauku, kulturu i sport o kandidatu za direktora JU Mješovita srednja škola "Musa Ćazim Ćatić" Olovo, na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 90. sjednici, održanoj dana 28.12.2020. godine,
d o n o s i

ZAKLJUČAK
o davanju saglasnosti za imenovanje direktora
JU Mješovita srednja škola "Musa Ćazim Ćatić" Olovo

I.

Daje se saglasnost da se Manso Mujo, profesor historije, imenuje na dužnost direktora JU Mješovita srednja škola "Musa Ćazim Ćatić" Olovo, na period od četiri godine.

II.

Zaključak stupa na snagu danom donošenja.

PREMIJER

po Odluci predsjedavajućeg Skupštine

Mirnes Bašić

Broj: 02- _____ /20

Datum, 28.12.2020. godine

Zenica

DOSTAVLJENO:

1x Ministarstvo za obrazovanje, nauku, kulturu i sport,

1x Imenovani, putem Ministarstva,

1x JU Mješovita srednja škola "Musa Ćazim Ćatić" Olovo, putem Ministarstva,

1x Školski odbor Mješovita srednja škola "Musa Ćazim Ćatić" Olovo, putem Ministarstva,

1x a/a.

Broj: 10-30-2119-082-2/20
Zenica, 24.12.2020. godine

Školski odbor JU Mješovita srednja škola "Musa Ćazim Ćatić" Olovo, je dana 18.12.2020. godine, nakon provedene konkursne procedure za direktora JU Mješovita srednja škola "Musa Ćazim Ćatić" Olovo, izabrao Manso Muju profesora historije i zatražio saglasnost za njegovo imenovanje.

Na osnovu zahtjeva Školskog odbora kao i dokumentacije koja je relevantna pri izboru i imenovanju direktora srednje škole, shodno članu 140. stav 3. i članu 141. Zakona o srednjoj školi, ("Službene novine Zeničko-dobojskog kantona", broj 9/17), Ministarstvo za obrazovanje, nauku, kulturu i sport Zeničko-dobojskog kantona daje slijedeće

M I Š L J E N J E
o kandidatu za direktora
JU Mješovita srednja škola "Musa Ćazim Ćatić" Olovo

Manso Mujo, profesor historije i diplomirani sociolog, je kao jedini kandidat u konkursnoj proceduri izabran za imenovanje na dužnost direktora JU Mješovita srednja škola "Musa Ćazim Ćatić" Olovo.

Ovakvo opredjeljenje Školskog odbora JU Mješovita srednja škola "Musa Ćazim Ćatić" Olovo, zasnovano je na činjenicama da predloženi kandidat ispunjava uvjete za izbor i imenovanje direktora utvrđene članom 140. stav 2. i članom 141., Zakona o srednjoj školi ("Službene novine Zeničko-dobojskog kantona", broj: 9/17).

Manso Mujo je završio Fakultet humanističkih nauka Univerziteta u „Džemal Bijedić“ u Mostaru stekavši zvanje profesor historije, a zvanje diplomirani sociolog stekao je na Fakultetu političkih nauka, Univerziteta u Sarajevu. Stručni ispit za samostalan odgojno-obrazovni rad položio je 1999. godine. Radio je na poslovima profesora historije i sociologije, pomoćnika direktora i direktora iste škole, a trenutno ima 24 godine radnog staža.

Ministarstvo za obrazovanje, nauku, kulturu i sport predlaže da Vlada Zeničko-dobojskog kantona Manso Muji, izabranom od strane Školskog odbora, da saglasnost za njegovo imenovanje na dužnost direktora, u naredne četiri godine.